

Rapport di estudio di cuevanan entrega na Ministro Drs. F. Booi

ORANJESTAD(AAN) — Diarazon mainta Codesan y Fanapa den presencia di un representante di Domeinbeheer a entrega Ministro Drs. F.A.J. Booi copia di e rapport di estudio di cuevanan haci pa "Cave Management Associates Inc".

Contenido di e rapport menciona ta refleha un analisis preliminar di e potencial di e cuevanan pa converti esaki den un

atraccion turistico pa fortalece e industria di turismo. E posibilidad pa nan crece den importancia ta depende di un maneho apropia cu por ser hiba pa e lugarnan aki.

A ser proponi pa bin cu un masterplan pa desaroyo y maneho di e terenonan di e cuevanan involvi den un forma responsabel cu lo conduci na preserva y proteha nan como parti

di e herencia natural.

Na otro paisnan rond

mundo unda terenonan publico di naturalesa ta ser usa pa industria turistico, manera por ehemplo parquen cu "wild-life", montañanan etc, reglanan y proceduranan ta ser estableci den ley pa proteha e recursonan natural cu ta ser usa.

Pa falta di maneho, vision, mantencion y atencion e cuevanan di Aruba a ser negligia durante añanan y debi na e mesun motibonan menciona diferente cuevanan a sufri hopi daño.

Codesan a propone na gobierno pa instala un comision cu personanan diciplina den e materia ambiental pa bin cu un

masterplan ariba termino corto pa desaroya e aereanan di e cuevanan den un



aspecto responsabel y aceptabel pa converti esakinan den un atraccion turistico.

Presente na haci entrega

di e rapport ariba menciona cerca Ministro Drs. F.A.J. Booi ayera mainta tabata señor T. Schouten, di FANAPA, señor


R. Mercera di FANAPA, señor L. Brown y señora E. Thode di Codesan y señor E. Shaksie di Domeinbeheer.

Grupo di baile Teatro Danza Arubano den Bon Bini Festival

ORANJESTAD(AAN) — Diamars awor lo tuma lugar otro anochi cultural na Fort Zoutman, esta e tan conoci "Bon Bini Festival" cuminsando 6'or y mei di atardi te cu alrededor 8'or y mei di anochi.

Caha di orgel "Crystal", bao direccion di señor Janny Heronimo y grupo tipico "Los Pimentosos" bao direccion di señor Vicente Kelly lo percura pa e

animacion musical, mientras e grupo di baile Teatro di Danza Arubano bao direccion di señora Antonette lo presenta un show folklorico.



Dilanti di Bali tin un buraco cu poco poco ta bira mas grandi. Por a nota cu e buraco ta bastante grandi atrobe y cu un motociclista a cay den e buraco.

Trabaonan di WEB den Colony

ORANJESTAD(AAN) — Gerencia di Water- en Energiebedrijf (WEB) ta

participa cu enconexion cu trabaonan necesario suministra di awa y presion di awa lo ser afecta den algun bario na San Nicolas.

Esaki lo tuma lugar ariba Diahuebs 24 di Maart for di 4'or di

atardi te cu 10'or di anochi den Golfweg, Golfclub, Ronde Klipweg, Centry Hillweg, Tafel-

bergweg, Oostenbergweg, Sero Lagoweg, Sero Grandiweg y Brandarisweg.

Gerencia ta pidi tur habitante den e barioman menciona y vecinario comprencion pa e inconveniencia aki.



DIARIO

E MATUTINO DI PUEBLO

Club Scaramouche

AWE

DIAHUEBS

LADIES NIGHT

Tur Lady ta ricibi:

1 Free Drink na entrada

"Amstel" Afl. 2,- henter anochi.

Bin pasa un rato agradabel cu Bo lady.